

आकाशवाणी

1. प्रधानमंत्री नरेन्द्र मोदी होंरें आखेआ ऐ जे सरकार नक्सल प्रभावत इलाकें च रमानदारी बहाल करने लेई पूरी चाल्ली वचनें बज्झी दी ऐ।
2. केंद्री उपभोक्ता संरक्षण प्राधिकरण नै ई-कामर्स प्लेटफार्में गी पाकिस्तानी झंडें ते होरने सरबंधत समेयान दी बिक्री गी लेइयै नोटिस जारी कीता ऐ।
3. जेएनयू नै राश्ट्री सुरक्षा दे मददेनज़र तुर्की दी इनोवू युनिवर्सिटी कन्नै कीते गेदे सैहमति पत्रै गी मुअत्तल करी दिता ऐ।
4. रूस ते यूक्रेन बश्कार जंग गी खत्म करने लेई इस्तान्बुल च गल्लबात अज्जै थमां शुरु होग।
5. बैंकॉक च थाईलैंड बैडमिंटन ओपन दे प्री-क्वार्टर फाइनल च अज्ज भारती खड्दारी अपने मुकाबले खेड्डन।
6. बिहार च खेलो इंडिया युवा खेड्डां अज्ज सम्पन्न होआ'रदिआं न।

<><><><><><>

PM-Naxal

प्रधानमंत्री नरेन्द्र मोदी होंरें आखेआ ऐ जे सरकार नक्सल प्रभावित इलाकें च शांति कायम करने ते उनेंगी विकास दी मुखधारा कन्नै जोड़ने लेई पक्का धेइया कीते दा ऐ। छत्तीसगढ़-तेलंगाना बन्ने पर माओवादी विरोधी अभियान दे बाद कल रातीं केंद्री गृह मंत्री अमित शाह हुंदी सोशल मीडिया पोस्ट गी सांझा करदे होई प्रधानमंत्री होंरें आखेआ जे सुरक्षाबलें दी कामयाबी इस गल्लै गी उजागर करा'रदी ऐ जे नक्सलवाद गी जड़ें थमां उखाड़ने दी मुहिम सेही दिशा च अग्गे बधा रदी ऐ।

<><><><><><>

Moaists-Killed

एहदे थमां पैहले छत्तीसगढ़ च माओवाद विरोधी अभियान च 16 महिलां माओवादियें सने 31 माओवादी मारे गे। अज्ज बीजापुर च आयोजित इक प्रेस कांफ्रेंस च सी.आर.पी.एफ दे महानिदेशक जानेंद्र प्रताप सिंह दस्सेआ जे 21 अप्रैल थमां इस म्हीने दी 11 तरीक तगर चलाए गेदे इस अभियान दौरान कुल 21 बारी टाकरा होआ।

भाषण गी दोहरांदे होई पाकिस्तान गी इक्क नाकाम मुख्य ते आतंकवाद दी नर्सरी करार दिता। श्री वेंस होरें पहलगाम आतंकी हमले दे बाद ते ऑपरेशन सिंदूर दे दरान चीन आसेआ पाकिस्तान गी समर्थन दिते जाने दी सख्त लफजें च निंदेआ कीती। उ'नें आखेआ जे चीन पर भरोसा नेई कीता जाई सकदा ऐ।

<><><><><><>

Jammu-Tiranga Yatra

ऑपरेशन सिंदूर दी ऐतिहासिक कामयाबी नै पूरे देसै गी गर्व कन्नै भरी दिता ऐ। इस ऑपरेशन दे दरान फौज दी दलेरी ते रणनीति हर इक्क नागरिक लेई प्रेरणा इर स्रोत बनी गई ऐ। साढ़े जम्मू संवाददाता नै दस्सेआ ऐ जे इस टकोहदी उपलब्धि दे प्रति सम्मान च अज्ज सं'झां जम्मू च तिरंगा यात्रा कड्डी जाहग। सेनाएं दे प्रति समर्थन ते सराहना व्यक्त करने लेई जम्मू-कश्मीर बीजेपी दे महासचिव अशोक कौल होरें नागरिकें गी मती कोला मती गिनतरी च तिरंगा रैली च शामिल होने दी अपील कीती ऐ। एह यात्रा भारती सेना दे प्रति लोकें दे गैहे सम्मान ते अनव्रुट्ट समर्थन दा प्रतीक ऐ। सशस्त्र बलें दे प्रति सम्मान व्यक्त करने आस्तै जम्मू-कश्मीर च 25 मई तगर जिला, मंडल ते वार्ड स्तरें पर बी 'तिरंगा यात्रा' आयोजित कीतीआं जाडन।

<><><><><><>

Russia-Peace Talks

रूस नै घोषणा कीती ऐ जे राष्ट्रपति व्लादिमीर पुतिन होर रूस ते यूक्रेन बश्कार आमने-सामने होने आहली शांति वार्ता च शामिल नेई होडन। एह गल्लबात अज्जै थमां तुर्किए दे इस्ताम्बुल च शुरू होनी ऐ। रूस नै तसदीक कीती ऐ जे राष्ट्रपति पुतिन हुं'दे सैहयोगी व्लादिमीर मेदिन्स्की रूसी शिश्टमंडल दी अगुवाई करडन। शिश्टमंडल च रूस दे उप-विदेश मंत्री मिखाइल गैलुज़िन, जनरल स्टाफ डायरेक्टर इगोर कोस्तियुकोव ते उप-रक्षा मंत्री अलेक्जेंडर फोमिंग शामिल न। एहदे शा पैहले, यूक्रेन दे राष्ट्रपति वोलोदिमीर जेलेंस्की होरें राष्ट्रपति पुतिन हुं'दे नै व्यक्तिगत रूप कन्नै मिलने दी इच्छेआ प्रगट कीती ही। उ'नें आखेआ हा जे इस सिद्दी गल्लबात गी कामयाब बनाने आस्तै ओह हर मुमकन जतन करडन।

<><><><><><>

Pakistan-Faisal

पाकिस्तान सार्वजनिक रूप कन्नै आतंकवाद कन्नै मुकाबले दी गल्ल करदा ऐ, पर आलमी सतह उप्पर प्रतिबंधित आतंकवादियें गी पनाह देने ते मान्यता देने दा कम्म लगातार करै करदा ऐ। मुम्बई आतंकी हमले दा षड्यंत्र रचने आहले हाफिज सईद दा भतीजा फैसल नदीम ऊर्फ अबु कतल हाल च कराची च इक सियासी रैली गी संबोधित करदे होई दिक्खेआ गोआ जेहड़ा आतंकवाद ते राजनीति दे बशकार गठजोड़ दा ठोस सबूत ऐ। फैसल नदीम दी मजूदगी दर्शादी ऐ जे ओह पाकिस्तान दे सियासी जीवन दा इक सक्रिय हिस्सा ऐ। उग्रवादियें ते आतंकवादियें दे कन्नै गठजोड़ लम्मे समें थमां पाकिस्तान दी राजनीति दी खासियत रेई ऐ। फैसल नदीम दी मजूदगी ते ओहदे बयान आतंकवाद दे खलाफ कार्रवाई च पाकिस्तान दे दोहरे चरित्र गी उजागर करदे न।

<><><><><><>

Maa Vaishno Devi

श्री माता वैष्णो देवी श्राइन बोर्ड नै श्रद्धालुएं दी सुविधा लेई नेकां उपायें दी घोषणा कीती ऐ। इ'नें उपायें च मुफ्त आरती दर्शन ते रौहने-बौहने दी बवस्था शामिल न। साढ़े जम्मू संवाददाता नै दस्सेआ जे भारत ते पाकिस्तान बशकार हाल दे संघर्ष विराम दे मगरा श्रद्धालुएं दा वैष्णो देवी औना फही बल्लें-बल्लें शुरू होआ'रदा ऐ। श्राइन बोर्ड दे हाल च घोषित उपायें कन्नै श्रद्धालुएं दी गिनतरी होर बधोग। जम्मू ब्हाई अड्डे थमां डुआरियां बी शुरू होई गेइयां न। श्राइन बोर्ड ऑनलाइन बुकिंग ते काउंटर बुकिंग दे राहें ब्हाई जातरा दी सुविधा बी उपलब्ध करोआ करदा ऐ।

<><><><><><>

Badminton

बैंकॉक च थाईलैंड बैडमिंटन ओपन दे प्री-क्वार्टर फाइनल च अज्ज भारती खड्दारी अपने मुकाबले खेड्डन। मर्दे दे सिंगल्स च थारुन मन्नेपल्ली दा सामना डेनमार्क दे एंडर्स एंटोनसेन कन्नै होग। मन्नेपल्ली नै मलेशिया दे जस्टिन हो पर सिद्धे सैंटें च 21-19, 21-16 कन्नै जित दर्ज करियें अखीरी 16 च थाह बनाई ऐ। महिला सिंगल्स च भारत दी शीर्ष खड्दारन मालविका बंसोड़ दा मुकाबला थाईलैंड दी रतचानोक इंटानोन कन्नै होग। भारत दी उन्नति हुडा दा सामना थाईलैंड दी पोर्नपावी चोचुवोंग कन्नै ते आकर्षि कश्यप दा मुकाबला थाईलैंड दी सुपनिडा कटेथोंग कन्नै होग। महिला डबल्स च भारत दी त्रिसा जॉली ते गायत्री गोपीचंद दी जोड़ी जपान दी सयाका होबारा ते रूई हीरोकामी दी जोड़ी कन्नै खेड्डोग। एह् भारती जोड़ी मलेशिया दी ऑंग शिन यी ते कारमेन टिंग पर 21-15, 21-13 कन्नै शानदार जित दर्ज करियें प्री-क्वार्टर फाइनल च पुज्जी ऐ।

<><><><><><>

बिहार च खेलो इंडिया युवा खेल अज्ज सम्पन्न होआ'रदे न। समापन समारोह पटना च कंकड़बाग दे पाटलिपुत्र खेड्ड परिसर च अज्ज संझां आयोजित होग। पदक तालिका च 149 तगमें दे कन्नै महाराष्ट्र शीर्ष पर ऐ। इंदे च सुन्ने दे 56 तगमें सने चांदी दे 45 तगमे शामिल न। हरियाणा सुन्ने दे 35 तगमे ते चांदी दे 26 तगमें सने 107 तगमें कन्नै दुई थाहै पर ते राजस्थान सुन्ने दे 22 तगमें सने कुल 55 तगमे लेइयै त्रीये नम्बरै पर काबज ऐ।

<><><><><><>

Read: Vikas Sharma

Stand by: Vijay Bajaj

Composed By : Varinder Sharma

Editor : Kunal Shrivatsa